

CHRISTOPHERVS MILHAUSSER MEDICVS SALIS-
lisburgensis.



Christerus Keyfferspergij in Alsatia natus est anno 1525. Ibi cum prima literarum fundamenta iecisset, sese in uicinam Academiam Friburgum contulit, atq; solerti studio effecit, ut breui artium Magister crearetur. Postea in Italiam profectus, Medicinæ operam dedit, atq; Senis Doctoralia insignia impetrauit. Inde Friburgum redijt, atq; per annos sex magna laude Medicinam docuit. Erat enim præclara eruditione conspicuus, atq; tam profitendo quàm ægrotis consulendo felicissimus. Id cum Archiepiscopus Salisburgensis intellexisset, hunc liberali stipendio ad se uocauit, & obtemperantem plurimum dilexit, anno 1554. In eo loco is

etiamnum residet, atq; rara humanitate & prudentia Archiater existens, inter doctos uiros conspicuus existit. Cum etiam 1565 Salisburgi essem, ob communem Medicinæ professionem humanissimè tractauit, atq; omnis generis officia exhibuit, & meum studium de Germania illustranda cæteris communicauit. Anon.